

2 PITER **(The Second Epistle General of Peter)**

Lawk karouknae

¹ Kai Piter, Jisuh Khrih e guncei lah kaawm e ni maimae Cathut hoi rungngangkung Jisuh Khrih lannae lahoi kaimouh patetlah aphu kaawm yuemnae katawnnaw koe ca na patawn awh. ² Cathut hoi maimae Bawipa Jisuh panuenae, lungmanae hoi lungmawngnae teh nangmouh koevah pungdaw lawiseh.

Yuemnae dawk rounгнаe

³ Ama e bawilennaе hoi ahawinae thungvah na ka kaw e Bawipa hah, maimouh ni panuenae lahoi Bawipa dawк kaawm e bawilennaе teh hringnae hoi cungtalah Cathut lawk dawк khosaknae pueng teh maimouh koe na poe toe. ⁴ Hottelahoі, ka lentoe niteh aphukaawm e lawkkamnaw hah maimouh koe na poe toe. Bangkongtetpawiteh, hote lawkkamnaw hno lahoi nangmanaw ni talaivan takgainae dawк hoi na hlout awh vaiteh, Cathut counгнаe kahmawng e tami lah na o awh nahane doeh. ⁵ Hettelah kecu dawкvah nangmae yuemnae dawкvah hawinae, hawinae dawкvah lungangnae, lungangnae dawкvah mahoima kâcakuеpnae, ⁶ mahoima kâcakuеpnae dawкvah lungsawnae, lungsawnae dawкvah Cathut lawk dawк

khosaknae, ⁷ Cathut lawk dawk khosaknae dawkvah hmaunawnggha lungkâpatawnae, hmaunawnggha lungkâpatawnae dawkvah lungpatawnae hah thahmei lahoi patuen kâthap sin awh. ⁸ Bangkongtetpawiteh, hete talen heh nangmouh dawk ao vaiteh pungdaw pawiteh, Bawipa Jisuh Khrih panuenae dawk aphu kaawm e tami, a paw kapaw e tami lah o awh han. ⁹ Hote talen ka tawn hoeh e taminaw teh, a mit ka dawn e lah ao. Yon thounsak lah ao tangcounghae hah a pahnim awh.

¹⁰ Hatdawkvah hmaunawngghanaw, nangmouh kawnae hoi rawinae hoe acak nahanelah, hoe panki awh. Bangkongtetpawiteh, hottelah na sak nah thungvah nâtuek hai lam na payon awh mahoe. ¹¹ Hothloilah, maimae Bawipa hoi rungngangkung Jisuh Khrih e yungyoe uknaeram thungvah, kâen thainae kâ kakueplah na hmu awh han.

¹² Hatdawkvah, nangmanaw ni hete akongnaw hah na panue awh teh nangmouh koe kaawm e lawkkatang dawk kacaklah na o awh eiteh, hotnaw hoi kâkuen lah nangmanaw pou na hroecoe hanelah pouknae ka tawn. ¹³ Hete ka tak rim dawk ka o nah yunglam teh hottelah kâhroecoena lahoi nangmanaw na kâhlaw sak hanelah ka pouk. ¹⁴ Bangkongtetpawiteh, maimae Bawipa Jisuh Khrih ni kai koe a pâpho e patetlah ka tak rim heh palang ka rading han toe tie ka panue. ¹⁵ Het talaivan hoi ka tâco hnukkhu hoi hai hete akongnaw pou na panue awh nahanelah ka panki han.

Ka kangning e profet lawk

¹⁶ Bangkongtetpawiteh, kaimouh teh maimae Bawipa Jisuh Khrih e bahu hoi a tho nahane nangmouh koe ka pâpho aw h e hah dymyennae lairupakong hoi ka pâpho aw h hoeh. Kaimouh teh Bawipa amae lentoenae hah kamamouh roeroe ni ka hmu aw h toe. ¹⁷ Bangkongtetpawiteh, Pa Cathut koehoi e bari-nae hoi bawilennae teh Bawipa ni a pang e lah hmu navah, ka talue poung e bawilennae thung hoiyah, ahni teh kai ni ka lungpataw e ka Capa doeh, ahni daw k ka lung akuep tie lawk hah Bawipa koe hoi a daw. ¹⁸ Kaimanaw teh kathoungpounge mon daw k Bawipa hoi rei ka o aw h navah kalvan hoi ka tho e hote lawk teh ka thai aw h.

¹⁹ Hothloilah, maimouh koe hoe Kacake profet lawknaw hai ao. Nangmae lungthin thungvah khodai teh, amom tempalo a tâco ditouh hote lawk teh hmonae koe ka ang e hmaim patetlah na pouk aw h hanelah ao.

²⁰ Cakathoung daw k kaawm e sutdeilawknaw pueng teh, tami buet touh ni amae a ngainae lahoi a pâpho e nahoe h tie hmaloe panue hanelah a o. ²¹ Bangkongtetpawiteh, nâtuek hai sutdeilaw k teh tami ngainae lahoi ka tâcaw t e nahoe h. Kathoung Muitha hroecoenae ka coe pueng niteh, Cathut koehoi ka tho e lawk kapâphokung lah doeh ao aw h.

2

Kacangkhaikung kaphawknaw lawkcengnae

¹ Hatei, profetkaphawknaw teh Judahnaw thung hoi a tâco e patetlah nangmouh thung

hoi hai saya kaphawknaw a tâco van han. Ahnimouh ni kamkonae koe kaphatkhai e tawm payonnae arulahoi thokhai awh vaiteh, na karatangkung Bawipa patenghai pahnavt awh vaiteh, amamae lathueng karang pounng lah rawknae a pha sak han. ² Tami moikapap nihai, ahnimae hnopai lungradueknae hnukkâbang awh vaiteh, lawkkatang lamthung teh ahnimouh kecu dudam e lah kaawm han. ³ Ahnimouh ni hounlounnae, pasawtpanepnae lawk hoi nangmouh na yo awh han. Ahnimouh lawkcengnae teh ayan hoi hnawng hoeh. Ahnimae kamkonae haiyah ngâm boihoeh.

⁴ Bangkongtetpawiteh, Cathut ni ka payon e kalvantami hah pasainae tawn hoeh. Hell hmai adungpoungnae koe hmonae sumbawtarui hoi a katek teh lawkceng hanelah a hruek toe. ⁵ Ayan e talaivan hai pasai laipalah, lannae phung ka dei e Noah hoi tami sari touh e naw hah a hlout sak teh cathutlaipa e talai taminaw pueng teh tuikamuem hoi koung a raphoe. ⁶ Hothloilah Sawdom hoi Gomorrah khopui hah lawk a ceng teh hrabalalah mueng a yawng sak teh, cathutlaipa e taminaw ni khetsin hanelah sut ao. ⁷ Hatnavah, kâcakuepnae kaawm hoeh e taminaw e hounlounnae lahoi khosaknae ni rektap lah kaawm e tamikalan Lot hah a runngang. ⁸ Hote tamikalan teh, ahnimouh koe kho a sak navah, ahnimae kâlawklaipa hringnae hoi tawksaknae hnintangkuem a hmu teh a thainae ni a lannae lungthin hah puenghoi a rektap pouh. ⁹ Hatdawkvah, cathutlae taminaw hah tacueknae dawh hoi rasa hanelah

thoseh, tamikalan hoeh e naw lawkcengnae hnin dawk reknae khang sak hanelah hruek hane hai thoseh a panue e lah ao. ¹⁰ Alawkpui lah ka khin e hounlounnae lahoi takngainae hnukkâbang teh, kâtawanna kadudamnaw hah hottelah a hruek han. ¹¹ Ahnimouh hlak thao thasainae hoi bahu kaawm e kalvantami ni patenghai yah, Cathut hmalah lawkcengnae sak aw h hoeh. ¹² Hatei, ahnimanaw hah man vaiteh, be thei hane moithangnaw patetlah ao aw h teh amamouh ni a thai panuek hoeh e hah a dudam aw h. Ahnimouh teh moithangnaw kahmakata e patetlah a kahmakata aw h vaiteh, amamae lanhoehnae phu teh a khang aw h han.

¹³ Khodai patenghai yah canei hounloun e heh nawmnae lah a pouk aw h teh, nangmouh hoi rei canei aw h navah amamae dумыennaе daw k a nawm aw h teh nangmouh hanlah min mathoenaе lah ao aw h. ¹⁴ Ahnimae mit teh uicuk ngainaе hoi akawi dawkvah yon sak laipalah aw m ngai aw h hoeh. A lung kacakhoehe taminaw hah yonnae koe lah a tacuek aw h teh, hounlounnae daw k a phunep aw h toung dawkvah, thoebo e canu capa lah ao aw h. ¹⁵ Ahnimouh teh, lam kalan hah a pahnawt aw h teh, lam a payon aw h toung dawkvah, lanhoehnae kutphu lungpataw e Beor capa Balaam e lamthung a dawn aw h. ¹⁶ Hatei, Balaam teh amae a payonnae daw k yue e lah ao. Lawk ka dei thai hoeh e la ni tami lawk lahoi a dei teh hote profet e pathunaе hah a ngang.

¹⁷ Ahnimanaw teh tui kahak e tuikhu, kahlî ni a palek e tâmai patetlah doeh ao aw h. Ahni-

mouh hanelah yungyoe hmonae a hruek pouh toe. ¹⁸ Bangkongtetpawiteh, ahnimouh ni lawk pacawt lahoi a kâoup aw hah teh, tami kahaw-ihoehnaw thung hringnae koehoi nuengnueng kahlout e naw hah takngainae, hounlounnae hoi a dumyen aw hah. ¹⁹ Ahnimouh ni hote taminaw hah hloutnae na poe aw hah han atipouh aw hah nahlangva vah, amamouh rawknae san lah ao aw hah. Bangkongtetpawiteh, tami katâ e teh tami e bawi lah ao. ²⁰ Maimae Bawipa hoi rungngangkung Jisuh Khrih panuenae lahoi talaivan khinnae daw k hoi hlout aw hah hnukkhu, hote hnonaw daw k bout kâman aw hah pawiteh, ahmaloe e hlak a hnukkhu e hoe a mathoe. ²¹ Bangkongtetpawiteh, lanna e lamthung panue nahlangva, maimouh koe na poe e kathounge kâpoelaw k hah hnamthun takhai hlak teh hote hah panuek laipalah aw m pawiteh ahnimouh hanlah bet ahawihnawn. ²² Ui ni a palo bout a ca, tui pâhluk tangcoung e vok ni tangkan bout a kâkaaw k tie cingthuilaw k hah hot patet e taminaw koe akuep.

3

Bawipa e hnin

¹ Ka lungpataw e naw: nangmouh koe hete apâhni e ca hah bout na patawn aw hah. Kai ni hete ca kahni touh hoi nangmanaw na kâhruetcueth nahanelah nangmae kathounge lungthin hah ka pâhlaw teh a thahmei sak. ² Hethateh, kathounge profetnaw ni a dei tangcoung e thoseh, gunceinaw koehoi patuen na pang

awh e Bawi hoi rungngangkung lah kaawm e kâpoelawknaw thoseh, nangmanaw ni let bouk na pouk awa nahane doeh.

³ Ahmaloe poung lah na panue awa hane teh, tami ka dudam e teh a hnukteng e hnin nah dudam nalaihoi tâcawt vaiteh, amae takngai e patetlah a cei awa vaiteh, ⁴ Jisuh tho nahane hnin hoi kâkuen e lawkkamnaw teh nâmaw a o, mintoenaw a due hnin hoiyah a cawngca pueng kamtawng koe e patetlah nahoehmaw pou ao awa heh vaw telah a dei awa han. ⁵ Bangkongtetpawiteh, Cathut lawk lahoi kalvannaw teh ayan hoi ka la awm niteh, talai haiyah tui lahoi tui thung hoi a kamnue toe. ⁶ Hatnavah, talaivan teh tui ni muen a khu teh, tui lahoi a rawk tie teh khoeroe pahnim hanelah a ngai awa. ⁷ Atu kaawm e kalvannaw hoi talai teh hote lawk lahoi yah, hmaisawi hanelah sut hruek lah ao teh, cathutlaipa e taminaw e kamkonae hoi lawkcengnae hnin totouh la rouk e lah ao toe.

⁸ Hatei, ka lungpataw e naw: Cathut hanelah teh hnin touh heh kum 1,000 touh e patetlah kum 1,000 touh e heh hnin touh e patetlah ao tie hah pahnim awa hanh. ⁹ A hnawng poung telah tami tangawn ni pouk e patetlah Cathut teh a lawkkam dawh hnawng hoeh. Apihai rawk laipalah, tami pueng ni yon pankângai awa nahanlah a ngainae ao dawkvah, maimae lathueng a lungsawnae doeh.

¹⁰ Hateiteh, Bawipa e hnin teh, tamru a tho e patetlah a tho han. Hote hnin toteh kalvannaw teh cairing lahoi a kahma awa han. Talai teh kân lawi a tui lah dui a lawng han. Talai

hoi talai van e hno sak puengpa hai a kak aw h han. ¹¹ Hete hnonaw pueng teh be raphoe lah ao han dawkvah, nangmanaw teh bangpatetlae tami lah maw na o kawi vaw. Nangmouh teh kathoung hringnae hoi cathutlae hringnae daw k khosak aw h nateh, ¹² Cathut e hnin hah ngaihawi laihoi, hote hnin phanae hah rang sak hanelah ao. Hot hnin a pha toteh kalvannaw teh ngeng kang vaiteh a kamko han. Talai hai kabet poung e kahû hoi atui lah a kamyawt han. ¹³ Hatei, maimouh teh Bawipa amae lawkkam patetlah lanna e aonae koe kalvan katha hoi talai katha ngaihawi aw h.

Pâpoutnae

¹⁴ Hatdawkvah, ka lungpataw e naw: nangmouh teh hotnaw hah na ngaihawi aw h dawkvah, tounhoehe tami, ka khinhoehe tami patetlah Bawipa hmalah roumnae hmu aw h nahan kâyawm aw h sei. ¹⁵ Maimouh ni lungpataw e Pawl nihai, ahni koevah a poe e lungangnae hoi, nangmouh koe a thut e patetlah maimae Bawipa a lungsawnae hah rungngangnae coe aw h nahane doeh telah pouk aw h. ¹⁶ Ahni ni alouke canaw daw k hai hete akongnaw hoi kâkuen lah a dei. Hote canaw thung dawkvah, thai panuek han ka ru e youn touh ao. Panuenae kayoun niteh a lung kacakhoehe taminaw teh alouke Ca Kathoungnaw daw k a tawm aw h e patetlah hote ca hai amamouh ngainae koe a sawn aw h teh, amamouh rawknae koe a pha sak aw h.

Thai Phum Holy Bible

The Holy Bible in the Thaiphum Chin language of Myanmar

Copyright © 2020 Batupuei Christian Fellowship

Language: Thai Phum (Chin, Thaiphum)

Translation by: Batupuei Christian Fellowship

copyright only valid in Myanmar; Public Domain elsewhere

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2024-05-01

PDF generated using Haiola and XeLaTeX on 1 May 2024 from source files dated 1 May 2024

84c7fe95-3b68-5ab6-b17e-a642d33ac078